

四庫禁燬書叢刊編纂委員會

北京出版社

四庫禁燬書叢刊

集部第五三冊目次

漁洋山人精華錄十卷

〔清〕王士禛撰
清康熙三十九年林佶寫刻本

石秋子敬身錄四卷

〔清〕洪思撰
清鈔本

受祜堂集十二卷

〔清〕張泰交撰
清康熙高熊徵刻本

嶺南林睡廬詩選二卷

〔清〕林良銓撰
清乾隆二十年詠春堂刻本

一

一五一

二五三

六四七

漁洋山人精華錄十卷

〔清〕王士禛撰

清康熙三十九年林佶寫

刻本

山東省圖書館藏

萬曆庚戌之歲偕余舉南宮者關西文太青李木竟陵鍾伯敬皆雄駿君子掉鞅詞壇太青贈季李木膽而肆踴厲風發大放厥詞太青贈季李兼愛空同爾獨師蓋其宗法如此而伯敬以幽閒隱秀之致標致詩歸窺易時人之耳目迄於今輕材諷說簞弄研削莫不援引鍾譚與王季徐袁分茅設苑而關西新城之集孤行秦齊間江表之士莫有過而問者三子之才力伯仲之間耳而身後之名飛沈迴絕殆亦有幸不幸焉千秋萬歲古人所以深歎於寂寞也季木歿三十餘年從孫貽上復以詩名鵲起閩人林古度論次其集推季木為先河謂家學門風淵源有自新城之壇揮

亦史不知

大振於聲銷灰燼之餘而竟陵之光燄燿矣余蓋為之撫卷太息知文苑之乘除有劫運參錯其間殆亦可以觀天咫也嗟乎詩道淪胥浮偽並作其大端有二學古而贗者影掠滄溟弁山之騰語尺寸比擬此屈步之蟲尋條失枝者也師心而妄者懲創品彙詩歸之流弊眩運掉舉此牛羊之眼但見方隅者也之二人者其持論區以別矣不知古學之繇來而勇於自是輕於侮昔則亦同歸於狂易而已貽上之詩文繁理富銜華佩實感時之作惻愴於杜陵緣情之什纏綿於義山其談藝四言曰典曰遠曰諧曰則沿波討源平原之遺則也截斷衆流杼山之微言也別裁偽體轉益多師草堂之金丹

大藥也平心易氣耽思旁訊深知古學之繇來而於前二人者之為皆能汰其癥結祓除其嘈囂思深裁小雅之復作也微斯人其誰與歸貽上以余為孤竹之老馬過而問道于余余遂趣舉其質言以為叙往余嘗與太青季木論文東閣下勸其追溯古學毋沿洄於今學而不知返太青喟然謂季木曰虞山之言是也顧我老不能用耳今二子墓木已拱聲塵幾如余八十昏忘值貽上代興之日向之鏃礪知已用古學勸勉者今得於身親見之豈不有厚幸哉書之以慶余之遭也虞山蒙

雙錢謙益序

古詩一首贈王貽上

謙益

風輪持大地擊毬為風謠吹萬壑還古廣歌暢唐姚朱絃記漢魏麗藻沿六朝有唐盛詞賦貞符彙元包百靈聰驅使萬象窮鏤雕千燈成一光異曲皆同調彼哉譏議者穿穴紛科條初盛別中晚畫地成狴牢妙悟掠影響指注闢釐毫甕天醯雞覆井月癡獠號化為劣詩魔飛精入府焦窮老蔽蔕屋不得瞻汰寥正始日以遠詞苑蘊芳苗獻吉才雄鰲學杜舖醯糟仲默俊逸人放言訾謝陶考辭競嘖嘖懷響歸浮漂江河久雍決屢滴亦騰躍么絃取偏張苦調搜啁噍鳥空而鼠即厥咎為詩詆喪亂亦云膺詩病不可瘳譬彼膏肓疾傳染非一朝嗚呼杜與韓萬古垂斗杓

北征南山詩泰華爭嵒峩流傳到於今不得免傲朝
况乃唐後人喙點誰能跳窮子抵尺璧凍人裂復陶
熠燿點須彌可為渠畧標昌黎笑羣兒少陵訶汝曹
嗟我老無力掩耳任呌呌王君起東海七葉光漢貂
騏驎奮蹴踏萬馬暗不驕識字函雅故審樂辨蕭韶
落紙為歌詩絳雲卷青霄自顧骨骼馬創殘卧東郊
敢云老識路昏忘慙招邀河源出星海東流日滔滔
誰蹠巨靈掌一手堙崩濤古學喪根幹流俗沸蟾蜍
偽體不別裁何以親風騷珠林既深深玉河復迢迢
方當剪榛楛未可榮蘭茝瓦釜正雷鳴君其信所操
勿以獨角麟婉彼萬牛毛伊余久歸佛緒經守僧寮

張觸為此詩狂言放調刁無乃禪病發放筆自抑挫
起批常明燈幟除坐寒宵

漁洋山人精華錄總目

門人候官林佶編

卷一

古體詩

卷二

古體詩

卷三

古體詩

卷四

古體詩

卷五

今體詩

精華錄總目

卷六

今體詩

卷七

今體詩

卷八

今體詩

卷九

今體詩

卷十

今體詩



方已厚所植虛以冥其迹
納衆派而洪纖不遺尉羣
言而聚精成浹身著朝衫
頭戴笠孟縣眉山共標格
三百年來無此客宛陵梅庚

漁洋山人精華錄卷一

門人候官林佶編

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私人諸諫官彈射姦慝咸有直聲自
中丞刺史良二千石各有廉名日南交趾皆我郡縣
蠻夷君長以時稽首殿庭屬國具為令文笥生翠來王
京幸太學三老而五更遂賜民爵一級存問長老遣都
吏循行大酺十日除宮刑美人曼壽百室豐盈

慕容垂歌 三解

慕容初入鄴已有虎狼志前驅丁零部後面鮮卑騎

精華錄卷一

燕燕尾涎涎飛飛啄塘蒲三原際五嶮緩急當奈何
慕容在何許已度涼馬臺饑鷹掣韝絛一逝不復歸

白紵詞三首

江南煙水多白鳬羣飛啞啞烟際呼美人窈窕為君娛
蜀羅吳縠曳華裾修眉星妍且都明鏡遙映丹脣朱
清歌錯落大小珠折腰流盼意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

青春遙夜開華堂綺羅絃管東西廂阿誰公子淮南王
美人家本邯鄲倡合蟬隨馬耀明粧起舞為君陳樂方
翠曾參差烟際翔鸞驚龍婉相頡頏西城北里各擅場

羅衣文巾紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七聲妙舞紛相當須臾壁月沉西方
汝南鳴雞啼曉霜今我不樂去日長裴回念此摧中腸
翡翠幄幄陳高堂請君安坐樂未央

擬美女篇

洛濱風日好美女出相望瑤象飾香轂玉軋鳴鏘鏘
春蘭阪上珥蓋蘅臯傍龍輔節纖步鶯珠結明璫借問
女誰氏少小生平陽大姊入後宮次姊瑯琊王小妹雖
不貴夫婿直東箱出入冠駸駸天子侍中郎檻衣萬錦

精華錄卷一

費腰裏千金裝容華誠自惜貴戚寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采拍顧風雲生朝
遊屬玉觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛矢逆風鳴大澤鷗
鷁道深雪狐兔驚迴瞻鶴雀門突兀與雲平鞍馬條來
歸勢若浮烟輕昨夜羽書至貳師出邊庭上馬別妻子
鳴鏑追前旌舊隨冠軍伍復此河源行大漠少行人深
谷多鼙鼓朝飲沙上泉夕戍雲間城左碩疏勒服右睎

伊吾清無今都護將開外獨聲名

自石橋尋黛溪遂至摩訶峯下

日落山氣涼清流自迴轉窮源不知勞漸忘溪路遠幽石各奔峭修樹亦婉孌遙睇徑難測迴矚途屢變穿歷衆山響蕭條晚風善微徑暮樵出懸崖歸鳥見須臾夕霏收殘陽四山徧新月忽清揚餘霞自舒卷稍覺葛衣輕幸藉孤筇健平生丘壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領瞻前峯抗策辭東路數武即嶮嶠危蹊少安步顧盼見百里雲日媚烟樹憑高俯澄湖風帆競孤鷺晴旭移峯顛明晦變已屢霽衣入

將去錄卷一

三

空翠溪流渺南注慘疎曠遊眺蒼茫失昏曙東山清風來西澗涼雨度澄潭蓋蕭瑟游鱗紛散聚前賢跡已遠山川緬猶故夙昔思古人三歎讀書處

醴泉謁誌公像觀唐碑

公開元三年乙卯立

早讀神僧傳緬希誌公迹劍水蹤已遙鍾山事成昔豈知常白峯留以千年石鳥爪帶銅綠鏡面瑩鮮碧磨滅開元碑蟲鳥紛難譯披羅宛遺文剥苔理殘畫斷闕發聞見樵牧增歎惜陸銘地寒冢王碑委荒僻廬陵傲珠屏東武比博奕淪棄多名珍何憚窮餉索一勺醴泉水供此風雨夕

神僧傳誌公面壁如斲手足皆鳥爪何有云陸德輿誌于家內王筠勸碑于寺門時與僧合

醴泉寺高閣瞻眺有懷范文正公

風雨湖上來蕭條灩飛閣啟雷起看際極目窮寥廓遙天坐煙水空濛氣磅礴大澤盤蛟龍斜風偃鵬鶚卻眺鴻濛中日光遠迴錯草木暗四山急淙鳴萬壑悵然思古人大雅何時作

書堂

絕澗已千仞磴道仍九盤直上若懸溜纏屬勢難安右顧踐厥跡左顧憑鳥翰日落空山中蕭然風氣寒精舍壁間出洞門天際看奇石壓巖戶孤立何巖岈突兀初澗底窈窕凌雲端入門度飛梁倚夕聞驚湍幽軒宛初構几榻皆峯巒頗意雷雨時雲氣生戶間諸天發鐘磬星斗方闌干惆悵此靈境畢然懷懶殘

將去錄卷一

四

復雨

花枝濛濛日將暮颼颼涼颼颼起庭樹雨脚射地晝陰晦急溜鳴簷不知數連年左輔嗟大無有蜚多廢仍屢書良民重累背鄉縣奸民攻剽成荏苒持天南干戈未寧息男罷農耕女廢織長沙江中多戰船祝融峰頭尚兵革羽書日曰下小東稻粒轉輸動千億苦竹黃楓猿晝啼舟子征人少顏色掘冢鑄幣既不能展轉呼天猶力穡今年稍稍宜雨暘黍稷撲撲稻葉長長官鞭朴耶敢避努力公家輸酒漿

和窟室畫松歌

黃門園中有窟室背枕亞祿山臨滄漠石壁磊砢一千

丈入眼髣髴生精靈橫壁老松誰所作海風怒攫山欲
傾盛陰五月凜霜雪怒姿萬變盤雷霆疑是溟渤含日
氣不然天上來星精我來盛夏變冬序白晝慘淡生晦
冥顛毛亂指舌上擣寒肌起粟心骨驚上下蒼茫有神
鬼左右騰跳飛颺颺江南吳生昔為此一一下筆皆龍
形昔者吳道子畫壁天宮寺將軍劍舞何蔚跂興酣筆
落氣磅礴萬夫動色嗟神異吳生盡松已百載鐵鉸霜
皮終不改南榮曝背亦吾儔偃蹇龍鱗好相待

蠡勺亭觀海

登高丘而望遠海坐見萬里之波濤長天寥廓雲景異
春陰偃蹇魚龍高怒潮乘風立千丈虎蛟水兕紛騰逃

詩集卷一

五

摩靈潛結萬層氣一痕未沒三山樹須臾勢盡潮亦止
波淡天清靜如綺菱苔沉綠紛塘坳螺蚌搖光散沙汨
參差島嶼羅殊域紛如星宿秋天裏擊我劍聽君歌有
酒不飲當奈何日主祠前水蕭瑟仙人臺上雲嵯峨羨
門高誓不可見秦皇漢武空經過祇今指顧傷懷抱黃
腸慙餅盡荒草人生快意無幾時明鏡朱顏豈長好吾
將避世女姑山不然垂釣蜉蝣島

周文矩莊子說劍圖

後有董宗伯
書說劍圖

古今人物畫手誰第一晉有衛協吳曹興南唐周生更
奇雋行筆瘦掣姿峻嶒此圖在世踰千載墨光黯淡生
光晶君王隱逸各有態蠶絲烟篆文迴縈目瞋鬚突五

劍客短後之衣曼胡纓二人而立目左顧劍如星日光
縱橫昂首右顧者三士二人按鐔神欲生一人拔劍作
虎步怒如截兕吞長鯨使筆如劍劍氣出此公無乃能
鐵兵莊生說劍固豪快十步千里無留行千年奇論佐
奇筆揮毫潑墨皆飛鳴雲間墨妙更道絕鍾王腕底紛
闐爭自云昔見吳興書說劍恨不作圖雙妙并今逢此
老信神物又恨作書非趙卿徘徊三歎出金石煥然妙
蹟如神明我聞周生妙得後主作字法秋胡謝女風格
清秦淮花月汴京土感此傷人今古情

冬日偶然作四首

太史下蠶室坎壈誰見知發憤傳貨殖千古同悲噫郭

詩集卷一

三

綠出鑄冶翁伯棄販脂灑劑既鼎食胃脯亦連騎志士
守蓬蘿不如文馬醫索帶披敝裘不如規魚陂
我愛灌仲孺意氣薄雲天長嘯入吳軍指顧堅壁穿長
戟鬱龍蟠怒騎如風旋聲名冠諸侯皆曰大夫賢魏其
勢既落田氏寵益卑朝請考工地夕奪城南田丞相故
賓客顧盼忽屢遷笑罵顧四筵殊不直一錢當時膝席
子岌岌皆危冠

鄭季有孽子少小為人奴騎從平陽主給事建章居朝
拜大將軍封侯訖鉗徒遂復還尚主賜第耀通衢隴西
老飛將猿臂雄萬夫白首不得侯心折幕府書誰能對
刀筆臨風自捐軀天道有如此千古同秋歎

吾家有方平雅志託林壑拂衣早歸耕躬來行採藥卜
築沃川墅垂釣上虞郭邈矣孔阮儔避哉箕穎樂瑯琊
多龍鸞羨此雲中鶴

春不雨

西亭石竹新作芽遊絲已罨櫻桃花鳴鳩乳燕春欲晚
杖藜時復經田家田家父老向我說穀雨久過三月節
春田龜坼苗不滋猶賴立春三日雪我聞此語重嘆息
瘠土年年事耕織暮聞窮巷叱牛歸曉見公家催賦入
去年暘雨幸無愆稍稍三農獲晏食春來穀賤復傷農
不見饑鳥啄遺粒即今土亢不可耕布穀飛飛朝暮鳴
春草作飯藜作羹吁嗟荊益方用兵

蠶租行

丁酉夏有民家養蠶質衣釧鬻桑而催租急遂
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日偏蓬蔭
東鄰有少婦養蠶方一塢夜夜伴蠶眠桑葉恐不周
朝出南陌頭倚望桑柔亦不見桑柔堪子醉鳴鳩
婦來見蠶饑徘徊當奈何脫我耳邊釵鬻我嫁時襦
阿夫持襦去里正持符來漢中索軍租不得還顧私
里正且上坐黽勉具晨炊但緩一月餘蠶成賣新絲
新絲亦難賣新穀亦難收不見馬上郎雉尾紅錦裘
再拜謝里正丈人且旋歸鬻我嫁時襦脫我耳邊釵

蠶應黑瘦盡軍租持底當痛哭視孫兒畢命朱絲繩
阿夫還入門不復見故妻生既為同衾死當攜手歸

懷古詩三篇

魯仲連陂

七雄既龍圖陳寶崑崙嬴秦師出函谷關六國咸逡巡邯鄲
日夜急叱嗟誰解紛蕩陰師既頓新行謀豈倫先生
畫奇策長揖平原君僕妾愧萬乘大義明君臣縱橫數
千言顧卻虎狼軍功成不受賞飄然歸海垠蹈海既高
義瑋志寧辱身至今齊趙士個儻希清塵我來古陂上
遺祠蔓荒榛覺道竄蒼鼠天風吹白蘋緬懷田巴語景
行跋千春

顏闕墓

末世寡尚志薄俗希乘軒豈不貴纁帛形役神不全吾
高顏夫子抗節貌齊宣鐘簴寧足論殿上呼王前晚食
與安步詎以榮利遷監門良自賤趨士理亦賢俯仰二
千載弔古悲荒阡墟墓絕樵採清風激顏頤古道邈難
作悲哉東逝川

轅固里

漢初尚黃老儒術闇不章齊魯誕諸儒五經如載陽遜
哉清河傳卓為羣倫倡抵掌論湯武大義非荒唐曲學
誠孫弘微言詒后蒼訓詞列學官星日同琅琅我生睽
千載桑梓寧異鄉寤寐思哲人流風一何長生慙齊魯

學私淑附師佳

苦寒行

遠遊漁陽城飲馬滹沱河朔恒苦寒日夕風鳴悲悲
風起廣塗霜霰凋人衣欲渡川無梁層冰何壘壘鳴
鳴枯楊豺虎交路衢深谷多狽獠得食歡相追我行歲
既晏十步八九迷他鄉少親故相逢知是誰憂愁鏢肌
骨自顧顏鬢衰俛眎飛蓬根隨風時轉移我獨久伊鬱
歲暮空徘徊寄語後來人遠遊不如歸

梁曰緝為言輞川雪中之游

少志愛山水夢想懷藍田終南西峯下水石餘清妍憶
昔維摩詰于此曾挂冠揮手謝時輩草堂常晏眠輞水

青玉案

一

遶舍下湖光明雲端繩牀間樂鉦清齋日蕭然春鷗漸
矯翼夏水紛綿平時尋名僧會自泛湖中船嘆息古人
沒風物隨變遷仙令妙文筆慨然追昔賢積雪曜巖阪
秀色暖林壑數里入谷口石流已濺濺水鳥相哀鳴雙
蛇渺人烟却除華子岡輞水猶淪漣花竹散已久亭館
供諸天王裴香千載丘壑亦凋殘來者復為誰斯言良
足歎

慈仁寺雙松歌贈許天王

我昔登泰山舉手攀泰松東南雲海幾千里夜懸日氣
開鴻濛山人出山已三載復見金元雙樹在攢髯石骨
青銅姿古貌荒唐閱人代長夏蒼蒼秋氣深風來絕澗

蛟龍吟仙人五粒不可見但有玄囁來往飛陰森蛟蛟
詰屈宛相向千曲盤拏氣初放一任支離拔地生那須
夭矯排雲上我來高枕石壇邊耳畔往往聞驚泉白日
沉沉不到地颯然雷雨生空天煙色欲暝鐘復起雄談
岸憤波濤駛千秋萬歲知者誰問海奇人許夫子

洗象行

水關蒼蒼柳陰碧寶馬流蘇紛紛絡繹日中傳呼洗象來
玉河波射珊瑚赤須臾鉦鼓千雲霄萬夫聲寂如秋宵
虎毛鬣奴踞象頂丘山不動何岩巖岸邊突兀二十四
直下波濤若崩墜縱橫欲蹴龜龍宅騰踏還成鸞鶴隊
乍如昆明習戰萬象旋旗眼中見又如列陣昆陽城

青玉案

一

雷雨行天神鬼驚奴子胡旋氣道壯忽沒中流狎巨浪
撇波一躍萬人呼幡然卻出層霄上今年丞相收夜郎
扶南盤况求王章遠隨方物貢天闕屹然立仗金階旁
聖朝自不貴異物致此亦足威遐荒黃門鼓吹暮復動
海立山移浩呼洶大秦師子多威神山林豈是天家珍

題趙澄仿王右丞羣峰飛雪圖

寒色冥冥下巖壑千峰萬峰雪初落瀑布無聲溪澗凍
紅樹微茫散孤閣閣中有客方緼袍當盆氣與蒼山高
遙看飛鳥落何處如聞落木鳴東臯崖橫路斷少人跡
稍見老樵下巖隙高低遠近一溪通晦明合沓千重隔
右丞昔日居藍田山水落筆窮自然雪岡漁市盡高妙

藥瀨歌湖紛眼前此圖曾入宣和譜董巨荆關焉足數
兵火相尋六百年玉璽金題幾更主雪江老筆妙入神
臨摹古本幾亂真即教唐宋多能手未必常逢如此人
傳侯天馬歌

傳侯天馬身八尺風鬃卓立雙瞳方赤毛朱翼信龍種
神姿磊落形昂藏未從流沙涉西極玉山之禾偶棲息
意氣生能輕虎兕驍騰未屑循羈勒四蹄鳥爪如鋼鈎
經過千里風颼颼虎身壯士控不得仰眎閭閻浮雲愁
昔日湖南始征戰軍中驍驍號百萬此馬振鬣始一鳴
歛如天上驚雷電一從罷戰歸中原三年不復從櫜韃
漁陽落日下白草壯心更欲窮河源安得此馬飛上天
不須萬里遶窮邊即看郊祀陳夫馬何減登歌太乙年

抱琴歌為鄭露作

嶧陽之桐何祥祥絳以五絃發清商一彈再鼓儀鳳皇
鳳凰不來芳我心悲抱琴而死予當告誰吁嗟琴兮當
知之

宣和御墨枇杷圖歌

盧橘蒼蒼橫幹起故印依稀識天水風枝雨葉不關愁
慘淡如披靖康史宣和文物劇風流繡褫錦繡窮千秋
畫學歲收五嶽觀圖書盡識太清樓歲歲轉瞬如飛電
半駝岡上紉刀箭紫筠花水權為薪西風落日青城殿
此本流離出禁庭過江千載歎飄零昔日興亡如在眼

選同麥飯哭冬青

夜經古城作

我行牛山下寒墟帶平楚不見齊王宮室城半禾黍疎
星耿不明白楊夜深語

南園二首

曉起思園林昨夜西堂雨負杖眺前山初陽散平楚潒
池萍始合芳樹禽交語庭戶寂無人慨然念終古
夜雨襟花落衡門綠苔生誰能捉坐席共作林下行圓
荷舒午景茂林舍夕清歸禽赴斜照稅駕此山楹

雨夜與禮吉叔子

高館多梧桐微雨飛向夕清談不能寐入夜轉蕭索餘

香歇幽幌暗蟲響階石夢破忽沉吟悵然越鄉客

與周景過訪蒼文夜雨共宿

故人千里別春草萋已綠相思南雲端目盡東海曲復
作帝城遊乘暇慰幽獨入門涼蟬鳴中庭多嘉木石徑
生積陰蒼苔宛山谷坐久微風來雨聲樵深竹共有滄
浪興復縱青山目良會誰能常今宵得同宿

贈勞山隱者

何許藏名地秦山海上深半夜白日出風雨蒼龍吟靜
侶行道處不聞樵採音清冷魚山梵寂莫成連琴曉就
諸天食暝棲蒼藓林因知安居法一契無生心我亦山
中客悠悠悔陸沉

夜登燕子磯

渡江訪名山層巔到曉黑大江森欲動浩浩千里色把
炬石燕飛燃犀潛蛟匿北望靈巖塔知是專諸邑悲慨
下沾襟此意誰當識

宿弘濟寺晚登觀音巖眺望

擘杼凌滄洲投宿招提境入門優曇香聞鐘夜方永高
枕聽濤聲層軒抱江影曉來微雨過紅葉滿高嶺憑闌
見萬里雲物殊清迥長山去蜿蜒上流壓江郭海門控
金焦蒼烟翳朝景信美睇山川霸圖通烟冷何如學無
生抗跡雲峯頂

寄彭十美門

蕭寺鐘殘時燕山霜落夜對牀語清夕流連不知罷落

葉一紛飛離鴻遂南下漱浦近青山依稀見君舍

半山愛予寒江落潮之句為作圖愚山題詩其上

和荅一首

我昨訪奇登燕磯潑墨深更遍巖壁捫蘿附葛不知險
夜踏空江欲崩石掀髯作畫廬哀翁長歎題詩宛陵客
何當結屋圖中居卧看江天落潮白

吳季子祠下作

我行延陵城懷古心苑結讓德邈已遠流風緬曩哲
來季當立高懷寧詎屑躬耕表遐志亮哉子臧節義
永無窮官碑字難滅所悲於潛後國亂相更迭伍胥進

勇士專諸踐王血遜位固高義復命忍臣列春秋不名
賢書札理當晰嗚呼三代後斯風久淪絕廉節起頑懦
尚論義常竊竊緬紆思古人空祠無寒雪

毘陵歸舟

泊船西蠡河解纜東城路涼月淡孤舟遠村隱紅樹香
杳暮歸人悠悠渡江去

招隱寺

筍輿越黃鶴連岡帶平楚歷歷南朝松風吹落寒雨石
楠紅始垂沙泉碧方吐遂造戴公山風氣何清古山門
映殘照雙泉咽寒嶼玉蕊不復見空亭閒荒塢戴公昔
通隱風流照巖戶漱泉彈名琴東巡動人主清風一銷

蕭寺鐘殘時

歇初地留空宇金碧漸凋殘林壑自清舉蕭條黃葉落
寂歷幽禽語迴澗起涼吹經堂罷齋鼓緬想剡中人蒼
茫久延佇

自招隱登夾山入竹林寺

籃輿俯高嶺石磴轉幽谷諸峯亂空翠澄江疊輕轂迴
望戴公宅秋氣益蒼肅紺壁隱奇杉危亭蔽荒竹孤僧
遠獨歸山鳥暮相逐樹杪見古寺松栝散林麓絕壁尚
千尋紆逕非一曲初蠟阮公屐逝將訪金粟暝坐竹林
深山山靜寒綠

竹林寺

迢迢夾山道幽幽竹林寺林公闢山處泉澗饒古意鐘

磬聞諸天花藥覆平地森梢萬竿竹烟景滿空翠慈鳥
識禪心清猿起愁思平生江海情蕭然但高寄回首禮
白雲何時謝塵累

林泉和尚塔院觀林公泉

祖堂白雲裏岩堯俯林樾昔人不可見巖桂花猶發惟
有林公泉涓涓漾明月

海門歌

岷峨東下江水長遠從并絡來吳鄉奔濤萬里始一曲
古之天塹維朱方北界中原壯南紀魚龍日月相迴翔
中流一島號浮玉登高眺遠何茫茫長空飛鳥去不盡
江海一氣同青蒼山外兩峯遠奇絕雙闕屹立天中央

卷之六

三

左江右海韓雲氣如為小喬分紀疆江流到此一縛束
早潮晚汐無披猖獨龍曉日出雲海山光照曜連扶桑
年來海戍未停罷我舸大艦來汪洋胡豆洲前起烽火
徒兒浦上披襁褓古聞京口兵可用寄奴一去天蒼涼
我願此山障江海七閩百粵為隄防作歌大醉卧巖石
起看江月流清光

上方寺訪東坡先生石刻詩次韻

昔出蜀岡道黃葉鳴秋蟬今來上方寺綠萼破春烟坦
步寶帶側延眺隋城巔古刹龍象寂殘碣蛛絲懸緬思
幾嶠人文采真神仙贈詩日南使賓佐皆豪賢邈然竟
終古漱墨留春泉老筆欲飛動妙態殊便娟空堂響人

語怖鶴飛聯翩後遊慨今昔憑弔當同然寺有泉名第一

京江夜雪

揚子津邊揚片席暮角聲傳京口驛北風一夜江上寒
鴻鶴山頭雲幾尺去年曾上春秋樓蘆花楓葉當清秋
何當踏雪三山頂第一江山萬里流甘露寺有京吳諸題
楊曰天下第一江山

丹徒行弔宋武帝

曲阿之北京口東寄奴王者真英雄新洲伐荻殺龍子
大業遂建丹徒宮桓家小兒亂天紀投袂勤王夜中起
擣蒲百萬皆人豪龍行虎步非凡理從茲大運屬彭城
中原趙魏歸經營破口千軍五龍涸藍田一戰二靖平
南土堆移幾千載太息雄圖竟何在宿麥寒原少昔人

卷之六

三

神鴉社鼓成空塞王氣銷殘帝宅荒悠悠江水不勝長
忠臣徒歎袁開府天命還歸蕭建康

五人墓

流連虎阜遊宛轉山塘路石門映迴波英靈此中聚滿
壇松桂陰落日青楓樹生傍伍胥潮死近要離墓千秋
忠介墳鬼雄誓相赴酌酒拂蒼苔碑寒鴉自來去

自光福里入太湖口往聖恩寺

扁舟下西崦森森入湖口逶迤鄧尉山蒼茫具區數南
來仙靈窟袁墓號稱首銅井連青芝雲錦張左右七十
有二峯遙矚皆培塿貝闕敞魚龍金庭開戶牖仙壇毛
公蛻古笈靈威守名境祕聞見勝遊信非偶巖岬時合

峇龍氣殊蚴蟻擊柝沂空明濯纓遠塵垢將來萬峰寺
半偈持苕帚

還元閣聽雨懷太湖

冥冥遙峯雨黯黯重湖雲萬壑急懸溜諷香聽難分山
中梅信發香色方氤氲已蠟阮生屐將墊林宗巾身卧
百尺樓心憶五湖濱笠澤渺千里漁邨禱鷗羣園綺緬
匪遙逝當返吾真

雨中尋米堆山

僧樓鳴鐘罷徘徊向山路遠眺米堆山蒼蒼積烟霧溪
澗官然深岡巒緬非故千重修竹林一徑江梅樹花香
止寒納石流湮芒屨山靄接湖雲日夕自來去迢迢五

雲洞谷間誅茅處

有善堂卷一

自米堆山下行至上陽村錢家礪望湖中漁洋法

華諸山

杖策信忘疲行行畫圖裏崎嶇下雲壑蒼茫望烟水石
徑何盤紆踈籬照梅蕊寥落重湖濱我門數家市居人
太古風但解數雞豕語我種植法敦樸有奇理雖非角
里儔頗謂桃源比逶迤到湖濱浩渺歎觀止震澤控三
江波瀾此方始法華表東隱漁洋正相似烟雨春空濛
峰巒暮倣詭昨朝梵天閣遠眺如隱几豈知方丈山忽
落芒屨底欲乞五湖長垂釣將已矣

晚坐雨花橋看梅

湖望已遠迢迢暮歸寺修竹隱山門金碧眩空翠清
溪枕飛梁花氣增明媚綠萼紛競發翠羽時一至拈花
悟禪心作賦識仙意高低垂簾條明滅見湖次縹緲吹
笙人消搖布金地微微蓮華漏蕭然遠塵思
登光福塔望穹窿靈巖諸山懷古
昨登擅勝閣遙遙見湖濱聚沙矚高妙珠露高由旬山
趾理歸棹中流望嶙峋鈴鐸天際語獅象雲中躡攬衣
造峯頂大千俯瞰塵悟彼解脫義得此清淨身名山繚
四隅出沒媚烟晨眺遠跡方遐懷古情彌辛采香已荒
徑菱歌尚含顰館娃一片石千載為沾巾迴身望胥口
落日悲孤臣

有善堂卷一

弟子泉和法翁韻

春山細雨三人俱藤笈親携桑苧書縛亭梵石幾年事
至今浣沼噴明珠山人形癯味道腴九隲不老將焉如
軍持銅鉢此生畢買田即徇芙蓉湖

木末亭作

曉登木末亭南望新林浦烟嵐紛四圍三山渺何許旭
日麗飛甍雲物媚晴淑風景在江山離宮半禾黍顧瞻
金川門悲來不能語惟餘博士祠正氣留終古

守風燕子磯

刁騷夜雨打吳棹三日南風燕子磯安得滄波如匹練
便乘輕舸去翻飛長江巨石想飛動漁燈成鼓相因依